

皇朝實錄

三四
冊十

大清世祖繼天降運英睿欽文大德弘功至仁純孝
章皇帝實錄卷之九十

順治十一年春正月壬辰朔

上詣

堂子行礼還入宮拜神畢朝

皇太后于慈寧宮御太和殿諸王文武羣臣及外藩
蒙古上表行慶賀禮是日賜宴 朝鮮國王李滉
遣陪臣沈之源表賀冬至元旦

萬壽聖節附貢方物及歲貢宴賚如例 總督陝西
太子太保兵部尚書兼都察院右付都御史孟喬

芳卒

甲午

工科右給事中許作梅疏劾鄖陽抚治朱国柱玩寇殃民賊圍竹山蔣家寨竟未提兵以一矢相加辱簡命而誤封疆請爰加處久責令国柱回奏

乙未

陞太常寺理事官布顏為礼部啟心郎戶部理事官已格兵部他赤哈者董安国俱為工部啟心郎太僕寺付理事官楊懋勳為刑部理事官

丙申

陞江南操捕都司僉書毛鳳翔為山西掌印都司江西掌屯都司僉書陳應龍為湖廣掌印都司

丁酉 孟春享

太廟 遣官祭太歲月將之神

戊戌

以正黃旗滿洲固山三苛蝦阿達哈者為探牙喇甲喇章京

己亥

宴蒙古諸王貝勒及首使人等于太和殿 工科付理官和通格言漢官輕罪皆議罰俸滿官則有

贖身之例請自今滿官有緣事應贖身者始漢官
例改為罰俸至漢官前程皆由戰功而得今或以
一時一事之過遂行褫革血戰苦功遽歸烏有請
自今公侯以下大小臣工除大貪大奸不赦外其
餘酌量處治勿輕革其前程又漢官處久悉歸吏
部而滿官小事輒送刑部似非所以崇國體而勵
臣節也請自今未經革職者悉聽吏部處治則體
統全而名節勵矣疏入

上覽批着部臣確議可行回奏

庚子

大學士馮銓等疏荐原任御史赫裕吏科都給事
中向玉軒翰林王崇簡張天植中書舍人宋徵璧
定遠縣知縣李人龍故明詞臣楊廷鑑宋之繩吳
偉業方拱乾中書舍人陳士本知縣黃國琦俱堪
擢用下所司察叙 已列日生抱氣色赤黑青

辛丑

諭工部曰江寧蘓杭等處地方連年水旱小民困
苦已極議賑則勢難周屢蠲又恐國用不足朕目
是惻然于念織造一事原供衣服賞賚之需前此
不能遽罷近聞尤為民累民既苦賦稅又苦織役

何由得安民既不安則朕豈惡被服美麗不為之
所以後織造除祝帛誥紙諸項着巡撫布政織解
外其餘暫為停止尔部即傳諭其應撤官後及應
解錢糧事宜作速議奏 予徇難廣西右江道叅
議金僕蕙府江道付使周永緒平樂府知府尹明
廷平樂縣知縣徐起鵬富川縣知縣華鍾祭葬如
例 刑科給事中陳忠靖劾倉場侍郎任濬久惡
崇階不聞報稱且戕司倉場不能禁革規陋有負
簡任令濬回奏 申刻日旁生兩珥上生抱氣色
黃 夜月生暈

壬寅

上幸內院謂陳名夏呂宮曰朕前聞總督孟喬芳病
故深用惻然不禁淚下喬芳与朕寧有姻戚哉但
以其為國忠勤效力故也此年以來朕之眷顧漢
官視滿官犹過夫滿官自

太祖

太宗時宣力從征出于百死方得至是、朕之優待
漢者豈以其有功而然盡期其既受朕恩必盡忠
罔報耳今觀漢官之罔報主恩者何竟無一人耶
陳名夏對曰自古皆然君之愛臣猶父母之愛子

臣之不能承順乎君犹子之不能承順乎父母也
臣等豈無仰報

皇上之心即有此心

皇上何由洞悉

上又曰教年来疚心于懷曾無愉快應陞之人得陞

不思罔報就可不應 越此簡用全不思報反

謂己才所致陳名夏對曰

皇上厚恩無不思報但臣等才庸識淺致有錯失為

難必耳

上曰錯失何妨与其才高而不思報不如才庸而思

報國之為愈也倘明知而不思報効擅敢亂行事

發不輕貸彼時毋得怨朕自貽伊戚耳 陞編修

王世功為內翰林秘書院侍讀 增設兵部督捕

衙門滿洲額者庫哈番翻譯滿漢字額者庫哈番

各一員他赤哈：筆帖式哈番各八員

癸卯 辰刻霧蒼白色

諭禮部曰每年元宵令節十四十五十六三日不

賽神不還愿永為例 夜月生暈

甲辰

以正黃旗烏真超哈固山祖澤潤為本旗固山額

真 陞詹事府詹事胡兆龍為內翰林秘書院學士大理寺卿魏瑄為兵部督捕侍郎 增設督捕衙門滿洲理事官烏真超哈理事官漢部中員外郎各一員主事四員 工科給事中張王治劾都察院左付都御史林德馨既無嘉猷又乏風采不能率屬罔報有忝重任詔部院察議

乙巳

以鑲白旗滿洲固山二等蝦嘉泰為探牙喇甲喇章京 陞江西右布政使莊應 為廣西布政使司左布政使河南右布政司李中桂為四川布政

使司使左布政使江西按察司李長春為廣東布政使司右布政使廣西按察司張自昌為湖廣布政使司右布政使山西督糧道叅政徐永禎為四川按察使司按察使山西冀南道叅政史記功為江南按察使司按察使陝西寧道付使李日芳為浙江按察使司按察使陝西洮岷兵備道付使李起龍為本省布政司叅政督糧道陝西督糧道叅政田厥茂為湖廣布政使司叅政湖北道湖廣長沙府知府張弘猷為廣西按察司付使桂林道降補原任陝西左布政司蘓弘祖為福建布政司

叅政福寧道河南按察司魏執中為廣東按察司
付使嶺東道河北道叅議宋翼明為廣東按察司
余事羅定道

丙午

順天府舉行鄉飲酒禮

戊申

予殉難四川安綿道梁一訓祭葬如例 免江南
江寧安徽常鎮蘓松廬鳳淮徐滁等屬五十州縣
江寧等二十六衛所十年久旱澇額賦
已酉

陞刑部啟心郎吳達禮為兵部督捕左侍郎 擢
江南督糧道叅議袁廓宇為都察院右僉都御史
巡撫偏沅提督軍務江西饒南九江道叅議胡全
才為都察院右僉都御史撫治隕陽提督軍務
補兵部理事官胡世霸牛录章京白如梅俱為兵
部督捕理事官 降補山西右政布使于時躍為
湖廣按察司付使驛傳道陞莒州知州陳全固為
湖廣按察司余事湖北道

庚戌

以故阿霸垓部落都思噶尔即王子沁克沁僧格

叢爵 以三等阿達哈：番綽思希叢其故兄一
等阿達哈：番冷僧賊各為一等阿思哈：番以
故二等阿達哈：番克都巴魯子阿納達孫思
孝子世衍三等阿達哈：番鍾託賴子塞爾固倫
達爾柱兄子代察喀喇奇他特弟塞冷莽吉圖子
獲子納喀：喇沁部落三等精奇尼哈番塞穆忒
爾子班第各襲職 以致仕三等阿思哈：番趙
之龍子承襲叢職 廣東巡撫李栖鳳奏報付將
栗莽志張瑋招撫仁化月峒賊渠陳茂等及其黨
七百餘人下所司叙叙

辛亥

都察院左都御史趙開心言奏對宜親經筵宜御
遊才宜寔通筵宜原流徒之自贖宜開法司之職
掌宜重得旨經筵俟文華殿成奉行已有屢旨何
得續奏接見諸臣講求政事雖說得是比來朕心
焦勞身體欠調是以不得接見本內云屏斥政遊
朕思

祖宗立國以來講武習兵安不忘危開創之際何得
懈弛武事况深居高拱乃明季陋習豈可踵行趙
開心這奏寔常談淺見風憲大臣果知朕過即當

直言無隱何得從為條陳沽名塞責殊負朕委任之意着爰飭行其餘四款該部議奏 刑科付理事官張時戒疏劾真定總兵官魯國男貪佞殘縱下所司爰察

癸丑

江南江西總督馬國柱奏報海賊分歸入犯崇明內江靖江泰興等處蘓州總兵官王璟等連擊敗之疏下所司

甲寅

以固山額真金礪為兵部尚書兼都察院右都御

史總督陝西三邊四川軍務 陞大理寺少卿郝

傑為本寺卿

乙卯

授叔和碩鄭親王濟爾哈朗庶子巴爾堪惠蘭輔國公巴都海子錫爾蓋俱為二等輔國將軍 都察院言滿洲兵丁雖分地土每年並未收成窮兵出征必需隨帶之人致失耕種之業往之地土空閑一遇旱澇又須部給口糧且以地瘠難耕復多陳告而民地又不便再闢請查壯丁四名以下地土盡教退出量加錢糧月米其馬匹則于冬春二

李酌與喂養價銀其退出之地擇其腴者許令原
得瘠地之人更換餘則盡還民間在滿洲在有錢
糧可望樂于披甲而又無瘠地之苦至民間素知
地利復不至于荒蕪是兵民共仰

皇仁於無盡矣下詔部察議 定和碩公主歲俸銀
二百五十兩 江南江西總督馬國柱奏報海寇
犯金山夜竊火礮復燒燬金山瓜州船隻順流而
適詔令兵察議

丁巳

免直隸順德廣平大名三府屬天津薊州二道屬

州縣衛所十年分水災額賦 定倉糧考成則例

各州縣官未完一二三分者任俸四五分者降俸

一級六七分者降職一級八九分者降職二級十

分者革職俱戴罪督催限文到三月內催完方准

開復糧道以合局通筭未完一分者免議二三四

分任俸五六七分者降俸一級八九分者降職一

級十分者降職二級俱戴罪督催仍限三月內催

完開復 禮部上祭

先農畊籍儀注先期

上齋戒二日諸王以下輔國公以上滿洲蒙古烏真

超哈公侯伯以下甲喇章京理事官以上漢文官
四品以上武官三品以上及六科付理事官都給
事在家齋戒二日先期一日內院捧進祝版

上御中和殿闕祝文行一跪三叩頭禮畢西向立內
院官捧祝文至太和殿禮部官跪接捧出至午門
外安于亭中行一跪三叩頭禮畢太常寺人役擡
亭禮部官太常寺官送至

先農壇安于神庫戶部禮部官同順天府官由午
門左門至中和殿進耒耜及種種種

上看畢戶部官捧至太和殿臺下順天府官接出由

太和殿左門至午門左門外安于絲亭作樂送耕
籍所祭日早盞儀衛備法駕諸王以下貝勒以上
俱朝服齊集于午門內朝房貝子以下從耕陪祀
文武百官俱于

駕未行時先赴

先農壇分班序立不陪祀牛菜章京以下漢文官
五品以下武官四品以下俱朝服于天安門外金
水橋南分班序立部官奏請

上詣

先農壇致祭行耕籍禮

上朝服乘輦王貝勒于内金水橋外班序立候

上過隨

上詣

先農壇鳴鐘不奏樂不陪祀文武百官于外金水橋跪候

上過

上至

先農壇門外下輦礼部官太常寺官導

上至具服殿盥手畢仍導

上至壇祭品礼儀如常祭畢還至具服殿更黃袍百

官俱更便服礼部官太常寺官奏請詣耕籍所仍尊

上詣畊籍位南向立從耕三王九卿從耕者各就畊

位不從耕王以下百官俱在畊籍棚外立設綠亭

三座于左右鴻臚寺官贊進耒耜進鞭戶部官北

向跪進礼部鑿儀衛太常寺官尊引

上秉耒三推三返訖鴻臚寺官贊受耒耜受鞭戶部

官跪受以耒耜置犁亭鞭置鞭亭礼部官奏請復

位

上復位戶部官順天府王尹執青箱播種後耆老隨

覆畢尊

駕官尊

上御觀耕臺南向坐王貝勒貝子公陪祀百官分班
序立三王五推畢各就位諸王皆候旨坐次九卿
九推豫設青箱亭東西各二種順天府廳官各執
青箱播種訖禮部奏耕畢從耕官各就位教坊司
承應畢禮部官奏畢禮部官太常寺官尊

上詣齋宮

上陞坐王貝勒貝子公文武陪祀百官入東西門分
班序立鴻臚寺官贊順天府官率兩縣官耆老人

等行三跪九叩頭禮農夫三十人隨後行禮畢

從府縣官出西門至畊籍所王貝勒貝子公坐候

畊畢府縣官從東門入鴻臚寺官贊親耕既成禮

當慶賀王貝勒貝子公百官行三跪九叩頭禮序

班立贊退王于齋宮內貝勒以下于臺下分班行

叩頭禮序坐

上進茶王以下文武百官各于坐次行一叩頭禮隨

賜茶

上御後殿少憩光祿寺設宴禮部奏宴完備

上陞坐衆官各就坐位行一叩頭禮坐進宴教坊司

奏樂進酒王貝勒貝子公于臺上序班立文武百官各就位立行一叩頭禮各就坐位筵宴耆老于壇旁坐宴畢王以下百官序班立行一跪三叩頭禮畢王貝勒貝子公百官至齋宮外候

上還宮南簿導從作樂不陪祀文武百官于天安門外跪候

上還宮報可 兵部督捕右侍郎魏瑄言籍沒止以處殺逆強盜已無籍沒之條乃初犯再犯之逃人罪鞭一百而窩主則行籍沒處輕窩重非法之平今欲除籍沒之法須先定逃窩之罪請下請議政

會議務期均平以便遵守下該部議

戊午

諭內院曰朕時蒞內院見秘書院侍講卓彝在院供職勤慎可嘉着特陞一級以示獎勵

己未

諭吏部曰高爾儼告病特命在京調理據所奏病雖漸痊不耐勞劇朕甚係心朕業未能遽臻平復茲特許解任安養勉事醫藥在京回籍後便調理俟痊後候旨召用

庚申 以

萬壽節遣固山貝子吳達海祭

太廟 遣官祭

福陵

昭陵 遣官祭真武東岳城隍之神

辛酉

萬壽節

上御太和殿諸王文武羣臣行慶賀禮賜宴 湖廣

總督祖澤遠奏報辰常提兵官楊遇明擊賊渠張

纏頭于桃源之兩河口生擒偽提兵李陽春等斬

獲無算捷聞命誅陽春等 定水藩王貝勒貝子

公等元旦來朝賞例親王等賞一等玲瓏鞍轡一

銀茶筒一重五十兩銀盆一緞五十六疋茶五筭

郡王等賞二等玲瓏鞍轡一銀茶筒一重四十兩

緞二十二疋茶三筭貝子等賞一等漆鞍一銀茶

盆一重三十兩緞十四疋茶二筭鎮國公輔國公

等賞三等漆鞍一銀茶盆一重三十兩緞十疋茶

二筭一等二等台吉塔布囊等賞三等漆勒一緞

七疋茶一筭三等四等台吉塔布囊等賞三等漆

鞍一緞五疋茶一筭科爾沁固土謝高親卓札克

高親王達爾漢親王加賞一等甲冑一付緞八疋

扎薩克圖郡王加賞銀茶盆一重五十兩緞六疋

卷之八十終

大清世祖體天隆運英睿欽文大德弘功至仁純孝
章皇帝寔錄卷之八十一

順治十一年二月壬戌朔

癸亥朝

日於東郊

甲子遣官祭

三皇 授和碩額駙吳應熊為三等精奇尼哈番
陞編修阿泌禮為四書院學士 吏科給事
中林起龍請更定八旗兵制疏曰昔兵在盛京無
餉而富今在京師有餉而貧揆之時地似宜變通

查會典開載馬匹軍裝軍器草料諸款舊例全用給兵乞

皇上垂念八旗舊兵為朝廷禁旅仍設給兵錢糧通給八旗兵丁則人不以為兵若矣下所司詳議

乙丑 大霧四塞色青白

諭吏部曰前司會議任珍一事回奏朦朧與議各官俱經分別降處朕念諸臣皆係朕肱股耳目之司朝廷素所優待今循省已久量已改過着各復原銜自今以後當滌旧習親各殫忠誠益思報効毋負朕期望至意尔部即諭行 禮科付理事官

房萬達請崇名教以杜頹風二事一命婦守貞宜旌一梵刹創建宜禁下所知議

丙寅

諭都察院六科曰朕惟言官為耳目之司每期直言諱欲聞天下之和正貪廉大利大害以便奏政施令立致太平故屢下明旨啟示開尊局望于言官可謂至切孰意重違朕心網交結黨或有身被人言借人報復者或有自護同黨代為報復者以故多有明知其惡畏其同黨而不敢言每閱奏章寔心為國者少附黨行私者多古云欲人不知莫

若罔為書云自作孽不可活朕曷治方殷豈容此
匪成奸但念秋霜肅殺莫若陽春化育自今以後
須各滌肺肝捐旧即新凡天下邪正貪廉大利大
害務要實心為國直言不諱則政治新而太平可
臻矣尔等自家名譽与之俱永豈不美哉 以原
任吏部尚書候調用金之後為內翰林國史院大
學士仍帶原加銜級 陞南雄付將栗莽志為署
都督余事管杭州總兵官

丁卯 遣大學士額色黑祭
先師孔子

戊辰 祀

大社

大獲 調署都督僉事管福建福州府水師付將事

范紹祖為湖廣洞庭湖水師付將

己巳

皇太后聖壽節

上率內大臣蝦等詣慈寧宮行慶賀禮和碩福金固
倫公主以下一品命婦以上俱朝賀賜宴 命靖
南王耿繼茂移鎮廣西桂林 禮科給事中李開
生以海賊寇犯江北勢甚猖獗條上戰守六要一

遠偵探一扼要害一備罷械一戾海禁一杜接濟
一密訊察下所司篆

庚午

甄別各直省督撫加江南提督馬國柱太子太保
直省提督馬光輝湖南提督祖澤遠俱太子少保
漕運總督沈文奎操江巡撫李日茂四川巡撫李
國英俱兵部尚書陝西巡撫馬之先兵部右侍郎
廣東巡撫李栖鳳加一級浙江巡撫蕭起元降一
級始旧管事宣大提督佟養量寧夏巡撫孫茂蘭
俱解任山西巡撫劉弘遇降一級山東巡撫夏玉

降三級調外用湖廣巡撫遲日益草賊餘俱留任

大學士陳名夏請假奠親溫旨留之 戶部右

侍郎孫廷銓請假省親允之 陞鑲白旗烏真超

哈固山梅勒章京楊麒祥為本固山固山額真

陞理事官對哈納為刑部理事官 允隕陽抚治

朱國柱解任回京調理 四川布政使司左右布政

使李中格引羊乞休

上以其歷任清勤命所司酌議加恩以示優異 陞

河南賚陳道副使祖重光為江西布政使司右叅
政河西道湖廣安陸府同知張武烈為本省按察

司僉事上荆南道經畧軍前辦事原任寧羗州趙
燾為湖廣按察司僉事管叅議事下荆南道 山
西充西道付使鍾性樸坐庸懦降三級調用

辛未

上幸內院謂諸臣曰朕獨覽萬幾常恐是非失于偏
執故令集衆會議及衆議之時有羣以為是而一
人堅執已意謬相爭論者殊局未合夫既羣以為
是即當從之若常懷好勝之心不但小事有妨且
虧國家大体明知其非而犹強辨急宜痛改大學
士陳名夏對曰仰承

上諭于小事犹煩戒飭若遇大事何敢不謹識于衷
以圖改易大學士馮銓對曰凡謬相爭論者必不
自其罪若果知之豈敢如是古云君仁則臣直蓋
止欲直陳所見故不覺其言之謬也既承

上諭敢不祇遵但恐不自知耳

上曰所謂君仁則臣直者見為是而改論之斯乃直
臣也豈強非強辨之為直乎若執意妄行致陷重
罪朕雖欲寬國法難貸且朕即寬而用之彼亦何
顏自立朕之心尔等知之尔等之心朕亦知之君
臣一体豈有間乎大學士額色黑爾海謀改內大

臣巴哈費揚古等奏曰

皇上此諭蓋欲諸臣若有過失預為省改恐蹈重罪
故頒教誨耳既已悔悟當謹識之於是召翰林各
官賜茶 命大學審完我預滿洲議政大臣之列
以故三等阿達哈、番羅席兄胡通格納散珠
叔黑塞各罷職 督理織造工部右侍郎周大成
坐

萬壽節違例自造龍袍進賀削去侍郎項帶始拜他

喇布勒哈番罰俸一年

癸酉

叙桂林戰守功加提督總兵官線國安太子少保
總兵官全節左都督餘各加陞紀錄有差 調駐
防河章京甲兵于德州 吏部覆江西南瑞道余
事安世嵩移封生母事以嫡母在無移封例不允
得旨尔部所引雖係職掌但會典乃萬曆初年纂
輯中間開載亦有未倫事關朝廷體制人子至情
還將前代行過事例詳察以聞 工科左給事中
魏裔介言連年水災頻仍直隸河北山東流民南
竄死者甚多請勅督抚炭餉有司凡流民所至不
即收卹者題參斥革若能設法安置分別多寡准

作優荐并乞大沛

鴻恩發銀數萬官遣滿漢風勵官沿途接濟務使流
民得所德澤布而愁怨息矣報曰飢荒流民之不
聊生朕深切憫念其賑濟安插勸懲鼓舞事宜俱
局急務着該司速訊以聞 陝西署布政使司右
布政使蕭時彥坐查荒耽延降一級調用 盛京
獵戶李百總收莽山海關內貧民四百餘口

上以其尚義可嘉命賞衣服鞍馬以示旌勸

丙子 祀

先農行籍田禮祝文曰維神肇興農事利賴萬年

茲當東作躬耕籍田頒錫大有物阜民安謹以牲
帛醴齊之儀用申祭告

丁丑

陞提督四譯館太常寺少卿梁清遠為大理寺少
卿 增設都察院經歷司掌印滿洲理事官一員
擢原任江寧府江防同知趙廷臣為湖廣按察
司余事下湖南道 裁直隸大城營遊擊千把總
各一員兵二百名東安營遊擊千把總各一員白
石營守備把總各一員兵五十名寶坻營遊擊一
員兵三百名改蘓州守備為都司增千把總各一

員兵一百名裁白石營守備把總各一員設操守
一員增漕河營三河營兵各五十名潮河川兵三
十名

戊寅 清明享

太廟遣固山貝子吳達海行礼 遣官祭

福陵

昭陵

四祖陵 免江西番丁缺額銀四萬七千二百八十

九兩有奇

己卯

遣內大臣伯索尼諭祭教漢公主

辛巳

勅諭平南王尚可喜靖南王耿繼茂廣東嶺海要
區新經底定抚綏彈壓善後宜周平南王尚可喜
嵩留鎮守廣西地方乃楚粵門戶滇黔鎖鑰省会
雖平州縣未附送賊李定国見把柳州校圍窺視
伏莽尚繁亟須勦抚特命靖南王耿繼茂帶領本
標官兵及隨征綠旗官兵前赴廣西桂林駐劄續
即發馬五百匹以資馳勦務要申戾紀律鈴束兵
將防勦逆賊招抚人民偕經督抚鎮諸臣同心協

力与湖南東粵策應声援廓清南服功成之日益
加懋賞朕念二王躬擐甲胄率勵官兵摧方張之
寇收不逞之民肇慶逞賊抱頭奔竄潮州叛將駢
首就誅地方安堵功莫与京朕深嘉悅茲特遣内
翰林秘書院學士郎廷佐一寺蝦姑蘓三寺德墨
起兵部額者庫哈番土喇前往宣諭朕意特賜二
王蟒緞貂裘各一件貂皮短褂各一件黑狐帽各
一項鍍金嵌松石鞵帶各一束鍍金玲瓏腰刀手
巾合包小刀牙杖盒俱全靴各一隻靴襪一雙鍍
金甲胄各一付鍍金玲瓏撒袋各一付弓箭全鍍

金玲瓏鞍轡馬各一匹西王標下官兵及員役聽
王酌賞發去蟒緞貂裘各三件蟒緞狐腋裘各四
件蟒緞羔裘各十件鑲領緞袍各二十件皮靴各
四双靴襪全鹿皮靴各四雙靴襪全染貂帽各八
頂鍍金瓏鞵帶各八束鍍金腰刀手巾小刀俱
全鍍金玲瓏撒袋各四付弓箭全鍍金甲胄各四
付及坐鞍轡馬各八匹及陣前効力撥什庫千把
總兵共丁所兩王酌賞發去銀各三千兩所有欽
賜到即祇承兩王既專分鎮益茂前勲慰朕倚任
至意欽哉勅諭靖南王耿繼茂廣西新經恢復廷

孽未清善後宜周特命不尚鎮廣西聲援廣東楚
粵控扼滇黔帶領本標官兵及隨征綠旗兵駐劄
桂林原定南王隨征綠旗兵所王管轄王下旧屬
官兵亦所王指揮而行朕念斯民久困兵火安全
抚卹尤為要圖貳則執之服則舍之一應共机當
策應者當馳勦者會全總督抚鎮各官協心商酌
武官功次覈實題叙其有臨陣退縮懲殺良有
干軍紀者听便宜處分若事關重大指名奏參但
凡官評民事詞訟錢糧仍歸地方官賤掌料理文
武官抚鎮以下見王禮儀悉照旧行王受茲委任

其益殫忠猷礼以律已廉以率下務輯寧疆罔寬
朕南顧之憂欽此

壬午 巳刻日生暈

調刑部右侍郎龔鴻葦為戶部左侍郎以總督倉
場戶部左侍郎馬鳴佩為兵部左侍郎兼都察院
右付都御史總督宣大山西等處軍務 陞通政
使司通政使耿燁為都察院右付都御史巡抚山
東都察院左余都御史陳應泰為右付都御史提
督雁門諸關巡抚山西湖廣布政使司參政管左
布政使事林天擎為都察院右余都御史巡抚湖

廣起原任都察院右僉都御史寧夏巡撫黃圖安
為原官 陞鑲白旗烏真超哈固山甲喇章京李
顯貴為本固山梅勒章京 命固山額真楊麒祥
駐防杭州 吏部覆戶科給事中周曾發攷滿疏
言布按監司寺官必待三年勢必懸缺以待今仍
新旧一体論俸俟陞其府州縣及佐貳首領降謫
寺官俱應以三年為滿方許陞遷從之 直隸山
東河南總督馬光輝引疾請告命回京調理病痊
起用

癸未

江寧巡撫周國佐奏洋寇張名振寺領巢入犯付
將趙光祖敗之於涿州港遊擊高永義敗之於楊
家嘴遊擊曾士奇敗之於小洪東阜諸處先後俘
斬甚衆下所司察議仍命修船治兵早為勦滅以
靖海氛 廣東巡撫李栖鳳疏報恢復平遠縣下
所司察叙

甲申

諭戶部寺衙門曰朕念比年兵事未息供億孔殷
加以水旱頻仍小民難食地方官不行撫綏致流
離載道普天率土繫命朕躬如此困苦不悉聞見

朕為之寢食不安拯救安全時不容緩戶部苛徵門凡有錢糧戕掌者即將見今貯庫銀兩實在數目作速查明來看

乙酉 遣官祭

歷代帝王 遣房山縣知縣祭金帝陵

丙戌

諭戶部曰四海蒼生皆朕赤子飢寒流徙深切痼瘵前督撫奏到災荒地方已經察恤久教酌量蠲免各府州縣衙所苛官務要真寔奉行不許仍行混徵徒飽貪腹如該管官吏朦朧徵收督撫

司道不能寬察者事發一體究治有極荒地方非蠲免所能救者該督撫速察奏聞另行恩卹至于畿輔重地房屋田土多經圈占加以去年水荒特甚尤為困苦朕夙夜焦思寢食靡寧亟宜拯救庶望生全但荒政未修倉廩無備若非頒祭內帑何能濟急茲特命戶禮兵工四部察祭庫貯銀一十六萬兩

昭聖慈壽恭簡皇太后聞知深為憫惻祭宮中節省費用併各項器皿共銀四萬兩朕又發御前節省銀四萬兩共二十四萬兩差滿漢大臣十六員分

赴八府地方賑濟督同府州縣衛所各官量口給
散務使飢民均沾實惠仍設法清察毋滋奸弊八
府所轄州縣多寡不同被災輕重亦異須酌量妥
確通融給發着吏部速將在京各衙門堂上滿漢
官才能清正的開列職名具奏候朕簡差給勅前
去 是日

皇太后母科爾沁國賢妃訃音至

上即詣

皇太后宮奏聞諸王貝勒福金內大臣等俱集

上不還宮為之哀悼諸王奏曰旧例外戚有喪未嘗

過哀

上宜還宮

上曰朕亦未嘗過哀但甫聞訃欲番此以慰

皇太后且諸王貝勒等可各歸第朕亦還宮矣于是

王等俱歸

上猶悲悼不已大學士范文程額色黑圖海奏曰外
戚有喪從無如此久慟之例况

上輕離宮寢淹番于此亦為不可聞訃之頃即已即
詣

皇太后宮今宜早還

上曰朕未嘗過勸但宮闈与此切近甫當聞計之頃
今夜欲宿此以慰安

皇太后耳是夜遂留宿至次日蚤始還 厄魯得部
落阿巴賴諾顏等遣使負駝馬宴賚如例

戊子

遣尚書覺羅王永吉劉昌侍郎蘇納海覺羅額爾
德祝世胤覺羅柯爾坤李騰祖高珩呂崇烈梁清
標杜立德魏瑄都察院承政王賴通政使哈愷大
理寺卿郝傑等分賑直隸八府給以勅書關防
命戶部侍郎范達理總督倉場以梅勒章京李顯

貴為工部侍郎 陞都察院啓心郎蔣國柱為僉
都御史 以額者庫程格為工部理事官 加致
仕四川左布政使李中梧秩一級廕一子入監讀
書 吏部議凡滿洲蒙古烏真超哈受封官員妻
有夫妻不和離異者應聽其夫自便有夫故再嫁
者應將本婦原得誥敕追奪從之 工部題報室
源局十年鼓鑄息銀三萬二千六百兩有奇

己丑

陞叅將麻胤揚為陝西肅州付將副將管叅將事
黃立傑以署都督余事管紫荆關付將事 免河

南祥符等州縣衛所十年分水災額賦 增設江
南沿海水師三千名

庚寅

陞通政使司左通政使李際期為刑部右侍郎右
通政李呈祥為通政使 陞兵部右侍郎李騰祖
為兵部尚書兼都察院右付都御史總督直隸山
東河南等處軍務 調湖廣右布政使張自昌為
廣西布政使司左布政使 吏科右給事中王禎
言窩逃既議奪盛京屯種若復將田產入官是仍
行籍沒請照充軍例止奪本身夫婦其餘家口田

產俱免追論至窩主既遣又議令隣佑保甲縣官
出銀四十兩給與逃人之主恐此例一開啟貪得
者之心因而生事害人深為未便下所司議

大清世祖睿天隆運英睿欽文大德弘功至仁純孝
章皇帝寔錄卷之八十二

順治十一年三月辛卯朔

裁山西利民諾兵二百名保德營鎮西諾州衛兵
各一百名五塞河會賈家堡河曲樓子營共各五
十名三空堡唐家會兵各二十五名 內翰林國
史院大學士審完我劾大學士陳名夏結黨懷奸
情事巨測疏曰臣思陳名夏屢蒙

皇上擢宥任用眷顧優渥即宜心易行寔之為我
朝廷為是孰意性生奸回習成矯詐痛恨我

國削髮鄙陋我

國衣冠盡惑明紳號召南党布假局以行私藏禍
心而倡亂何以明其然也名夏曾謂臣曰要天下
太平只依我一兩件事就太平了臣問何事名夏
推帽摸頭只是番了頭髮復了衣冠天下就太平
了臣咲曰天下太平不太平不專在剃頭不剃頭
崇禎年間何曾剃頭來為甚把天下失了只在法
令嚴明使官吏有廉耻鄉紳不害人兵馬衆強人
心悅服天下方可太平名夏曰此言雖然只番頭
髮復衣冠是第一要緊事臣思我

國臣民之衆不數明朝十分之一而能得明朝天
下者以便服騎射士馬精強故也今名夏欲寬衣
博帶變清為明是計弱我

國也臣與名夏觸是辨論不止千萬言已灼見其
隱衷矣名夏禮臣雖恭而惡臣甚深耻此同官所
共見聞者也今將結党奸宄事跡列款為

皇上陳之一陳名夏父子處鄉暴惡士民怨恨全家
避居江寧國公花園中此園係無主產業例應入
官價值十萬金江寧上司會銀三千兩代為納價
花園目今名夏妻子居住又明朝吏部吳昌時女

姦逃到官名夏子陳掖臣囑託江寧上司釋放為
尼目而包占又掖臣橫行于江寧城中鞭打滿洲
破面流血鬧至提督公堂賠禮保放又掖臣坐大
轎列棍扇說人情納賄賂掣肘上司俱敢怒而不
敢言無名紙帖滿江寧城中上寫着名夏不忠不
孝縱子害人南來臣親莫不驚言其威勢成克鞏
亦曾言之切思明朝嚴嵩父子濟惡科道官交章
糾奏今名夏甚于嚴嵩科道官豈無一人知聞何
無一疏入告其黨衆可想見矣黨中人不肯言孤
子人不敢言此名夏父子所以恣行無憚也臣料

名夏明知子惡難掩倘有究問必以踞遠為詞以
不知為飾伏乞降旨將名夏家人長班戾夾拷問
不惟教子為惡之情得併奸宄別事情形亦為吐
露矣一趙廷先係名夏契交名夏署吏部尚書猶
私驟陞科臣郭一鶚言吏部陞官遲速不一疏指
廷先等為証廷先歷任月日一鶚察記未詳多開
兩月後自檢奉名夏懷恨欲處一鶚劉正宗云趙
廷先歷任月日若以多作少一鶚有罪今以少誤
多一鶚何罪名夏聞言生嗔語侵正宗正宗不平
大鬧一場當衆寫本欲奏名夏及勸方止公議票

策一鶚遂得無事次日正宗向馮銓與臣言陳百
史攬權欺詐只當人不知道如甄別翰林去留出
自

皇上他為何向王翰林說不知尔原是好入我為甚
麼教你出去王翰林可問臣思趙延先不當陞而
陞名夏反欲處言官而非同列甄別翰林本出
聖裁而名夏直任去留由已攬擢欺詐信不誣矣一

史儒綱乃溧陽宦家房田為合縣之首為名夏親
家儒綱為浙江道時誣朱秀才為明朝宗室抄家
貲巨萬逼親人命浙抚蕭起元劾儒綱贓私教万

奉旨革職提問名夏利儒綱田宅許其開贖復官
屢次逼喝起元起元難認泰虛遲延三四年不結
後起元不得已朦朧咨部復蒙部駁臣聞此事久
矣一日臣等在院辦事名夏分票蕭起元一本駁
了許多話批從重議處額色黑高海看了貼黃票
策執本呼臣云這本無可駁處因何批這樣旨意
臣接本看畢謂名夏曰這本只該批該部誤奏名
夏遂依臣改了張端隨于柱上手寫一史字笺云
是史儒綱要處他臣始知前聞不謬儒綱此案今
已八年未結一採花張天植告假回京名夏助踏

費銀一百兩天植于伊妻子處還本利銀五百兩名夏不知以為騙已故言天植得罪于我所以外轉及還銀信到又云他抽風大有所獲這錢兩銀于當得甚麼見天植又曰管你還入翰林便了後天植見臣云門生四中馮甲從無外轉之例望老師便中扶持臣答曰我從不敢在

皇上言一人好歹衆公堂自有公道隨以前言問之天植笑應曰老師何以知之他已不計較門生了昨見馮銓荐舉士二人疏內列有天植姓名則前言不虛而名夏之假叢巧計莫可端倪矣一吏科

魏象樞係名夏四門親家結為一黨象樞誤奏司官錢受祺擅委中軍後自檢舉奉旨中軍捕官懸殊何得錯誤着議奏部覆錢受祺無罪免議魏象樞降級調用名夏輒自票部本云事局疎忽着罰俸六個月成克鞏云前旨說何得錯誤今票事局疎忽与前旨相悖了不如改疏經檢奉名夏依言改之次日奏出紅本馮銓云這本票錯了落了錢受祺免議了理應檢奉名夏云馮老爺當直成年凡票簽是該你二人檢舉克鞏作色言曰簽是你票的你錯了我提醒你改為何教我二人檢舉名

夏云我三人檢舉罷後來竟不曾檢舉於是張端
佑声作唱云救了一個就忘了一個由此觀之則
名夏之護党行私照然可見矣一等臣賊掌票擬
事干重大依數增減裁決聽之

皇上是非可否草底出各臣一字輕重關係公私臣
慮人心不一事有錯誤遂立一簿于公票事件下
各臣親書姓字防後事發錯誤以便認罪檢舉众
議僉同行之已久偶一日名夏不候臣等到齊自
將公簿註姓塗抹一百一十四字同官云為何抹
去如要抹去須衆到齊亦可名夏遂住筆不抹後

復照旧註姓竊思此簿係名夏未入院之先所公
立者名夏何得私抹人言有理忽又中止令人寔
是可疑但不知作弊在何件耳此籍典印鈔見在
十二月初四日晚

上命內大臣傳作科道官結党諭旨臣立稿底次日
交付內直隨出外署及票紅簽下臣等現之抹改
原稿教語成克鞏云好條活寵被人剝去眼睛了
抹去的是擠弄排孤一句改的是明季埋沒局中
而受禍今方馳觀域外豈容成奸將四句寔語竟
改成兩句後語臣問蔣赫德云是誰改抹答云是

陳改了他還要去古云四句我說這是書語放着也罷方終留下臣思

皇上聖明天縱見微而知者聞一以知十名夏結党奸宄之情形恐

皇上看破故欲以隻手障天也以上教條惟擇其寔証確切者言之耳切忠自古來奸臣賊子党不成而計不得行何也無真才必無寔事無寔事必無顯功是以必結入党而為之虛譽也欲成奸党必必棄理道附己者雖惡必護異己者雖善必執行之久而入党者多矣始也借人以升已繼也納賄

而引人若非確察其鄉評輿論寔按其經濟事件則党固而莫可破矣臣又竊自思念壯年孟浪疎庸貪博辜負

先帝一廢十年

皇上定鼎燕京始得隨入禁地仰觀

天顏規趨于衙門株守其職事者又復十年於此十年間恣性緘口不復作狂吠之犬然而愚直性生遇事勃發李應試潘文學向非臣言復擒早已免脫矣臣雖不敢行埋輪補鑿之事若夫附党營私以看目前之富貴臣寧死不為也潔已自憐孤踪

齋志以俟後矣不意

皇上不以臣為衰老無用錄入滿官之列已出望外

又

聖壽之日更餘之時同內大臣召入保宮親賜御酒
臣接盃承恩之際不禁哽咽欲淚今又命隨大臣
議政臣非土木畜類敢不盡心以看報効但臣不
熟滿語老病孤子望

皇上俯賜矜憐則餘生之幸皆捐糜之日也臣痛思
人臣貪酷犯科國家癘疥之疾不足憂也惟懷奸
結黨陰謀潛移禍闕

宗社患莫大焉陳名夏奸亂日甚盛党局日成人鑑
張燠而不敢聲言臣舍殘軀以報答

聖主伏乞

皇上將臣本發大臣確審具奏法新施行則奸党除
而國家治安矣疏入得旨這所奏事情着內三院
九卿科道詹事寺官會同逐款詳問從重議罪具
奏

壬辰

江南總督馬國柱奏報逆賊賴龍等盤踞桂東出
沒江楚臣移咨楚抚分兵搗巢賴龍等被擒下所

叙議

乙未

初大學士寧完我劾陳名夏父子濟惡有旨切責
滿漢科道官不行叅劾著令回奏至是各上疏認
罪

上以言官陰嘿不糾殊負職任趙開心降三級調用
魏象樞楊璜高桂周之桂陳調元劉顯績宗敦一
各降一級調用其餘科道各官俱罰俸一年都察
院承政土賴承政佟國胤俞都御史葛國柱及滿
洲科道等官各罰銀有差副都御史林德馨吏科

給事中俱以歷任未久免議

丙申

和碩承澤親王碩塞等言近承

聖諭擇期躬詣

太祖

太宗山陵固

皇上瞻懷罔極之孝思敢不祇承但近因畿內水災
方遣大臣賑濟又南方弗靖屢發禁兵若
聖駕遠行旦夕奏報不免稽遲展謁
山陵仍當稍緩俟南征大兵回京方可恭謁疏入

上以瞻仰

山陵久思恭謁慕戀之誠不恚寤寐于四月以行
以湖廣奏議分守下湖南道吳臣輔支弱不任邊
衝令回部改補陞黃州府同知程雲為湖廣按察
司僉事代其任從大學士洪承疇請也 勅諭賑
濟直隸大臣巴哈納等曰直隸等府係根本重地
去年水潦為災人民困苦飢餓流徙深軫朕懷日
夕焦思不遑寢食特命發戶禮兵工四部庫貯銀
十六萬兩

聖母昭聖慈壽恭簡皇太后聞之惻然發宮中器四

並前省銀共四萬兩朕又發御前節省銀四萬兩
通共銀二十四萬兩久給賑濟茲命爾等費銀前
往各府地方督同該道府州縣衛所等官計口給
賑項要放散如法及時拯救毋論土著流移但係
飢民一體賑濟務使均沾實惠不許任憑衙役里
書人等侵尅冒支其應徵應停應免錢糧察始該
部題定則例逐一明白開列示諭小民毋使奸猾
吏胥及糧長土豪通同作弊承行各官實心任事
有益荒政者會同督撫優與獎荐其貪殘縱役怠
忽民生者即行劾奏倘有無知棍徒借飢民名色

搶奪害民者尔等即会同該地方官拿問處治近
京地方米價騰貴飢民得銀尤恐難於易米寢寔
之家有能捐穀麥或減價出糶以濟飢民者尔等
酌量多寡先給好義牌扁及羊酒幣帛以示旌表
仍具疏奏報若有里甲人等指称拖欠官銀奪取
賑濟銀兩或富豪挾逼賑銀以償私債俱許飢民
鳴告即時重處其被災人戶已去復歸者倍与賑
濟銀兩俾得復業其他境移來者既与賑濟仍加
意安插使之得所衛所屯丁与百姓一同賑卹飢
民內年七十以上者着該州縣添給布一疋許其

開銷其遺棄子女設法收養若民間有能收養
四五口以至二十口者尔等亦酌給羊酒幣帛好
義牌扁其疏奏聞其飢殍屍骸着有司登時掩埋
毋致暴露殘毀以傷和氣凡詞訟除強盜人命外
其餘戶婚田產一切小事暫俾受理違者叅奏飢
荒地方人民有往豐收去處糴買米糧者不許特
強之徒過閉攔截犯者拿問情重叅處尔等經臨
處所凡鋪設支應酒席餽送一切浮用悉皆停止
仍要減省騶從問民間疾苦勿致科孤里甲重累
飢民勅內開載未盡事宜聽尔等斟酌奉請施行

事完之日通將賑通州縣衛所人民用過銀兩數目詳明造冊奏繳爾等受茲委任必須持法奉公殫力任勞悉心經畫務使恩溥人安庶仰付聖母朕躬軫卹小民至意如或比延玩愒具文塞責罪有所歸爾等其勉之慎之 福建福寧府甌寧縣雨雹大如盞

丁酉

遣禮部官祭科爾沁國賢妃賢妃昭聖皇太后母也 刑部尚書巴哈納等陛辭上御太和殿諭之曰賑濟各款俱載勅書朕以卿等

為腹心故有是遣卿等速往確查飢民務令均沾實惠勿為奸詭欺罔諭畢賜茶遣之 琉球國中 山王世子尚質遣使進貢物件錄故明勅印請頒新勅印命所司議奏 午刻日生暈青黃赤白色

戊戌

免湖廣襄陽黃州常德岳州永州荊州德安七府 屬州縣及辰常襄三衛江南揚州鳳陽廬州淮安 等滁徐二州所屬州縣十年分水旱災傷額賦 免山東濟南東昌府屬四十九州縣十年分水災 額賦

辛丑

贈殉難江南睢寧縣教諭王相呂為國子監助教
以訓導李之寔為國子監學錄 以鑲紅旗烏真
超哈固山牛采童京佟國望為甲喇童京 先是
吏部等衙門會鞠大學士審完我劾奏陳名夏諸
款俱寔陳名夏擬斬家產入官妻子流徙盛京隨
下議政諸王貝勒大臣核議至是和碩承澤親王
碩塞等會議陳名夏所犯罪大仍擬斬妻子家產
分散為奴伊子陳掖臣提到另行審結疏入得旨
陳名夏所犯之罪寔大理應處斬但念文任近密

不恣肆之于市着處絞妻子家產免分散為奴餘
俱依議 諭吏部曰朝廷設內外諸司所以代

天工理庶務無論文武衙門大小官員各有責任若
一官不補即曠一官之職近聞官多員缺皆因吏
胥作奸朦朧沉壓上下其手竊弄事權求索賄賂
吏胥之弊司官不奉司官之弊堂官不察曰循寔
緩日復一日以致弊竇叢生甚至有頻羊困頓流
落旅邸不得一官者人才淹抑政事廢弛皆此之
故尔等今後該部堂官務要正己率屬剔弊釐奸
各該司官務要洗心條慮奉公守法勿使緹役貪

緣仍蹈前弊以取罪戾滿漢各官當盡除推委之
習互相砥礪勉為職業將見在內外文武大小官
員缺作速詳察盡行推補務俾人才効用事政脩
舉祿承

天愛民至意

乙巳

授額蘇為拜他喇布勒哈番以其祖字漢在

太祖時効力也命詹事翰林寺官陞補俱歸吏部

從大學士完文程請也轉兵部尚書王永吉為

都察院左都御史以阿達哈、番楊固孫為都

察院理事官編修劉兆麒為都察院啟心郎陞

陝西固原道付使孔思周為浙江布政司叅政督

糧道陝西肅州道付使朱國詔為山西布政使司

叅政督糧道河東運使陳詰為山西布政使司叅

政督糧廣東督糧道大訖徐坦為本省按察司付

使巡海道廣西桂平道叅訖李世耀為河南按察

司付使久巡睢陳道廣東水利道叅訖莊有筠為

山東按察司付使克西共脩道直隸保定府知府

胡延羊為陝西按察司付使洮岷兵備道補原

任山西口北道付使王化淳為陝西按察司付使

久此西寧道編修安煥為江西布政司叅議分守
湖東道改補四川屯田水利道余事范竒才為廣
東按察司余事羅定道 授三竒阿思哈、番固
山額真噶達洪為一竒阿思哈、番以勦叛匪蒙
古阿爾濟竒功故也

丙午

諭吏部曰政務殷繁內院需人着將烏真超哈內
外官員有才學品行的作速選奉教員來奏

戊申 今

上皇帝生

上之第三子也

母曰佟氏 諭都察院科道官曰陳名夏奸惡事情

爾等明知向來懼怯不言已屬溺職及至面詰勒

令回奏皆云雖有風聞不得實據朕在深宮尚且

洞悉爾等戒司耳目何得惜無見聞明係知而不

言相率欺蔽人臣為國為君忠愛之道豈宜如此

今陳名夏已經正法爾等言官薄加降罰聊示懲

戒以後須要痛改前愆從善去邪知無不言、無

不寔庶使隳土屏跡中外清肅付朕求言圖治之

意若仍前畏懼緘嘿苟容顛倒黑白徇私報怨明

知奸惡庇護党類不肯糾參而誣害良善驅除異
己蔽塞主聰混淆國法復蹈明末陋習誤國負君
惟尔等之咎定行重治必不再宥尔等其慎之勉
之 以内国史院學士蔣赫德為院大學士 陞
陝西驛傳道付使余應魁為湖廣布政司叅政督
糧道 補吏科都給事中朱徽原官陞吏科左給
事中杜蕙祐為戶科都給事中刑科左給事中孫
珀齡為禮科都給事中工科左給事中魏高介為兵
科都給中戶科左給事中高亨胤為刑科都給事
中禮科左給事中陳恂為工科都給事中

已酉

和碩鄭親王濟爾哈朗等言

聖駕恭詣

山陵奉旨定于四月十一日但民間粒食維艱恐難
供應伏願

聖裁稍需日月俟物力少寬然後恭謁以展孝思疏
入報曰朕奉欲早謁

山陵以抒恋慕今覽王奏暫停此舉俟于七月間行
可也

庚戌

諭喀爾喀部落丹津喇嘛曰前遣使來索達爾漢親王曾頒勅諭爾丹津喇嘛及土謝高汗車臣汗曰若盡返巴林人口為首貝子以巴林牲畜故入覲來請則收留逃人事爾時方可酌定乃違背詔旨爾為首貝子不來入覲罪一本年各固山應貢人畜又不來獻罪一巴林缺少人口不肯全還罪一置此三罪不問及將來歸我一統中朝之貝子擅請發還大不合理今縱返巴林缺少人口及為首貝子入覲而此來歸貝子各官終不奉還若盡送巴林缺少人口及為首貝子入覲則嗣後有

逃來之人爾時再為酌定倘不出此豈但此已來歸之貝子即另有來歸我一統中朝之貝子各官來即受納且加富貴恩養已經宣諭迨後九月間爾四固山進歲貢白馬駱駝衆使臣來旨曰爾復違旨不還巴林人口不遣為首貝子請免牲畜來覲是以不許入覲仍如前宣諭遣還今問爾子額爾德尼諾木齊奏云爾言四固山來貢駱馬使臣被逃時奉旨曾諭夏季貢使云若將缺少巴林人口送來為首四貝子請免牲畜來朝方許入覲今爾為首四貝子不來而僅貢白馬八匹駝一隻是

何為者曰命遂之彼時臣原欲齊集四固山貝子
遣來自杭蓋地方大雪會議遲緩是以無及此聞
又出兵駐防恐傷和好故將羊貢白馬八匹駝一
隻即來入貢命臣以此言奏聞又丹津喇嘛云
太宗皇帝曾言凡紅纓之國與我非仇敵也我向曾
遣使入貢

太宗亦加恩于我今

皇上建寅之歲遣額爾德尼諾木齊首倡四貝子所
受命令修好入覲之後我遂往達賴喇嘛處自貝
子定議和好以來地方安靖今我統攝四固山想

亦

聖主之所知也語云人不自誇聖朝有何勅諭法度
當遵始而行四固山貝子內若有一二貝子不遵
勅諭法度者即將不遵勅諭法度貝子特以奏聞
及侍郎畢力克高來察巴林人口時我往見達賴
喇嘛不在家中查收巴林人口將缺少若干逃亡
若干作書貽我：閱書遣博濟吉岱往詢之喀爾
喀部嘉達爾漢親王卓力克高副王伊吞云逃亡
者有教人在此今可問達爾漢親王卓力克高副
王彼處有幾人即將缺少人教作書以示又因四

固山之故 有何勅諭法度即將勅諭法度齊
集四固山貝子宣示之若有不遵勅諭法者即將
不遵勅諭法度貝子遣使奏聞昝尔所言則尔擅
自統捍二汗之四貝子詢不誣矣至言侍郎畢力
克圖去察巴林人口時回往達賴喇嘛處不在家
中使畢力克圖去時尔若不在家中遂回冬季貢
使豈有不向尔言者乎尔又稱

太宗皇帝曾言九紅纓之固非我仇敵我輩往往征守
尔等否碩雷汗將我之糶尼忒部落誘去又將我
追糶尼忒之兵土謝焉汗丹津喇嘛碩雷汗尔等

四戰天譴于尔致尔敗北又回西楚虎尔侵掠巴
林之故有令將巴林缺少人口尽教送来為首四
貝勒為請免牲畜來朝方許入覲已頒明諭今將
尔處所有巴林人口送来為首四貝勒為請免牲
畜來朝若有不從者即云某貝勒不從將已從命
貝勒偕來若三固山貝勒不從即彼等不從尔上
來奏聞倘不出此若再有使來亦不容入也不其
思之

辛亥

以梅勒章京陳達太為兵部侍郎 陞太常寺少

卿袁懋功為通政司使左通政使太僕寺少卿朱
鼎延為通政使司右通政使太僕寺少卿霍達為
太常寺少卿提督四譯館

壬子 刻大霧色青白

補服闋內弘文院編修李昌垣原官

癸丑

諭吏部曰

祖宗創業開基收服諸國朕入關討賊除暴救民平
定中原一統四海悉賴滿洲兵力此兵建功最多
勞苦甚乃產薄羸頰凡有征行馬匹器械衣甲

餼糧等項莫不自備効力彌勤實生無策深可軫
念十年以來章奏雖多未見言及于此者近覽科
臣林起龍題本思慮詳周條畫有緒實心為國忠
誠可佳應作何優異尔部酌議具奏自今以後凡
事關治政得失民生休戚大利大害應與應革切實
可行的言路各官俱要悉心條奏直言無隱如果
為國行誠有裨政事者朕不靳懋賞尔部即傳諭
行 以一等精奇尼哈番左夢庚兄之孫左原騰
二等阿達哈：番阿哈碩塞弟之子雅尔泰三等
阿達哈：番于自成子登雲王興國弟定國拜他

喇布勒哈番兼一拖沙喇哈番布達札子佛多和
拖沙喇哈番常因安子常洪祖俱襲職一等阿
思哈：番兼一拖沙喇哈番李思忠羊老致仕以
其子塞伯里襲職

乙卯

陞吏左侍郎孟明輔為兵部尚書 諭吏部曰謝
啟光才猷老練特賜召用今來陞見朕念其年力
衰弱准理政務准以原官加太子太保工部尚書
致仕遂其願養仍馳驛去稱朕優眷老成之意
以多羅慧哲郡王額爾袞多羅宣猷郡王界堪多

羅通達郡王雅爾哈齊配享

太廟 兵科都給事魏喬介劾續公沈永思身為太
師手握重兵當孫廷攻圍辰永諸郡一籌莫展里
風宵遁乞

皇上亟賜罷斥免誤封疆令永思回奏 補原任湖
廣道御史楊旬瑛為江南道監察御史 以梅勒
章京海尔弼為戶部侍郎

戊午

予假戶侍郎孫廷銖疏請改名廷銓許之 叙粵
東軍功加都督僉事總兵官郭虎高進庫各二級

俱為都督同知 解鄆襄總兵官張士元任以大
學士洪承疇劾其防勦怠玩養寇貽害故也 陞
江右布政司鄭廷樞為湖廣布政使司左布政使
廣西右布政司王益鼎為廣東布政使司左布政
使陝西按察司彭有義為本省布政使司右布政
使湖廣按察司張鳳儀為本省布政使司右布政
使山西按察司范登仕為江西布政使司右布政
使山東按察司白本質為河南布政使司右布政
使陞原任廣西左布政司莊應會為四川布政布
政使司左布政使

卷之八十二終



